

Javno preduzeće „GRIJANJE“ d.o.o. Zenica
- NADZORNI ODBOR

Broj: 7664 /26

Zenica, 28.07.2026. godine

Na osnovu člana 31. i 34. Statuta Javnog preduzeća „Grijanje“ d.o.o. Zenica, člana 4. i 7. Pravilnika o internim procedurama provođenja javnih nabavki broj: 4300/20 od 17.03.2020. godine i broj: 17701/22 od 23.11.2022. godine, a nakon razmatranja Prijedloga izmjene Plana nabavki Javnog preduzeća "Grijanje" d.o.o. Zenica za 2026. godinu broj: 7372/26 od 20.07.2026. godine i Prijedloga dopune i izmjene Plana nabavki Javnog preduzeća „Grijanje“ d.o.o. Zenica broj: 7609/26 od 27.07.2026. godine, Nadzorni odbor Javnog preduzeća "Grijanje" d.o.o. Zenica na 18. vanredovnoj sjednici, održanoj dana 28.07.2026. godine, donio je:

O D L U K U

o izmjenama i dopunama Plana nabavki Javnog preduzeća „Grijanje“ d.o.o. Zenica za 2026. godinu

Član 1.

Usvaja se Prijedlog za izmjenu Plana nabavki Javnog preduzeća „Grijanje“ d.o.o. Zenica za 2026. godinu, broj: 7372/26 od 20.07.2026. godine i Prijedlog dopune i izmjene Plana javnih nabavki Javnog preduzeća „Grijanje“ d.o.o. Zenica za 2026. godinu broj 7609/26 od 27.07.2026. godine, pa se u Planu nabavki Javnog preduzeća "Grijanje" d.o.o. Zenica za 2026. godinu vrši izmjena i dopuna, kako slijedi:

Rb.	Predmet nabavke	JRIN CPV CODE	Procijenjena vrijednost nabavke bez PDV-a	VRSTA POSTUPKA, UGOVOR O JAVNOJ NABAVCI ILI OKVIRNI SPORAZUM I PERIOD TRAJANJA - Direktni sporazum (DS) - Konkurentski zahtjev (KZ) - Otvoreni postupak (OP)	Predmet nabavke se dijeli na lotove (DA/NE)	Okvirni datum pokretanja postupka nabavke u 2026. godini	Pokretač postupka- služba i/ili odjeljenje zaduženi za izradu tehničke specifikacije i potrebnih količina i oznaku knjigovodstve nog aspekta nabavke (stalno sredstvo ili zalihe)
C. NABAVKA RADOVA							
1.	Građevinski radovi na vrelvodnoj mreži	45232140-5	200.000,00	OP-UJN-12 MJSECI	NE	30.07.2026.	T
A. NABAVKA ROBA							
63.	Električna oprema i aparati	31600000-2	260.000,00	OP-OS-12 MJSECI	NE	05.08.2026.	T
B. NABAVKA USLUGA							
59.	Usluge popravaka i održavanja transformatora	50532200-5	80.000,00	OP-OS-12 MJSECI	NE	05.08.2026.	T

Član 2.

Ova odluka objavit će se na web stranici Javnog preduzeća "Grijanje" d.o.o. Zenica i portalu javnih nabavki, u roku od 30 dana od dana stupanja na snagu ove odluke.

Član 3.

Za realizaciju ove odluke zadužuje se Uprava Preduzeća sa stručnim službama preduzeća.

Član 4.

Ova odluka stupa na snagu danom donošenja.

OBRAZLOŽENJE

Rukovodilac Službe za razvoj i investicije i pripremu rada dostavio je Upravi Preduzeća Prijedlog za izmjenu Plana nabavki Javnog preduzeća „Grijanje“ d.o.o. Zenica za 2026. godinu, broj: 7372/26 od 20.07.2026. godine, u kojem je naveo da je procijenjena vrijednost nabavke „Građevinski radovi na vrelovodnoj mreži“ 100.000,00 KM, te da je neophodno izvršiti izmjenu plana nabavki iz razloga što je došlo do potrebe izgradnje novih objekata na trasi instalacija daljinskog grijanja, a koji se nisu mogli predvidjeti u fazi izrade Plana nabavki, te je neophodno izmjestiti dužu trasu postojećih vrelovodnih instalacija daljinskog grijanja.

S obzirom na navedeno, te da se predmetni radovi nisu mogli predvidjeti prilikom izrade Plana nabavke za 2026. godinu, Rukovodilac Službe za razvoj i investicije i pripremu rada je predložio Upravi da se izvrši izmjena Plana nabavke za 2026. godinu, i to na način da se u odjeljku C. NABAVKA RADOVA mijenja stavka kako slijedi:

- pod rednim brojem 1. „Građevinski radovi na vrelovodnoj mreži“, JRJN 45232140-5, procijenjena vrijednost nabavke: 200.000,00 KM, postupak nabavke: Otvoreni postupak, okvirni datum pokretanja javne nabavke 30.07.2026. godine,

Rukovodilac Službe za razvoj i investicije i pripremu rada dostavio je Upravi Preduzeća Prijedlog dopune i izmjene Plana nabavki Javnog preduzeća „Grijanje“ d.o.o. Zenica za 2026. godinu, broj: 7609/26 od 27.07.2026. godine, u kojem je naveo da predlaže dopunu i izmjenu Plana javnih nabavki za 2026. godinu u odjeljku A NABAVKA ROBA i odjeljku B NABAVKA USLUGA iz razloga što je potrebno izvršiti izmještanje pumpne stanice i trafo stanice na novu lokaciju, obzirom da je nemoguće obezbijediti adekvatan priključak električne energije na postojećoj lokaciji pumpne stanice, a sve u cilju stvaranja neophodnih tehničkih pretpostavki za distribuciju toplotne energije do svih korisnika sistema daljinskog grijanja.

S obzirom na navedeno, te da se predmetni radovi nisu mogli predvidjeti prilikom izrade Plana nabavke za 2026. godinu, Rukovodilac Službe za razvoj i investicije i pripremu rada je predložio Upravi da se izvrši dopuna Plana nabavke za 2026. godinu, i to na način da se:

u odjeljku A. NABAVKA ROBA dodaje stavka kako slijedi:

- pod rednim brojem 63. „Električna oprema i aparati“ JRJN 31600000-2, procijenjena vrijednost nabavke 260.000,00 KM, postupak nabavke: Otvoreni postupak, okvirni datum pokretanja javne nabavke 05.08.2026. godine;

u odjeljku B. NABAVKA USLUGA mijenja stavka kako slijedi:

- pod rednim brojem 59. „Usluge popravaka i održavanja transformatora“ JRJN 50532200-5, procijenjena vrijednost nabavke 80.000,00 KM, postupak nabavke: Otvoreni postupak, okvirni datum pokretanja javne nabavke 05.08.2026. godine.

Direktor Preduzeća dao je saglasnost na podnesene prijedloge rukovodioca Službe za razvoj i investicije i pripremu rada.

Uzimajući u obzir naprijed navedeno, Nadzorni odbor je cijenio opravdanim ovakav prijedlog, te je isti donio odluku kao u izreci.

DOSTAVITI:

- 1x Uprava Preduzeća
- 1x Odbor za reviziju Preduzeća
- 1x Služba za razvoj i investicije i pripremu rada
- 1x Služba za ekonomske poslove, Odjeljenje za komercijalne poslove
- 1x Služba za pravne, kadrovske i opšte poslove
- 2x Komisija za nabavke (Delić A./Rizvić E.)
- 1x Službenik za javne nabavke (Smriko A.)
- 1x web stranica Preduzeća (Bajramović J.)
- 1x Arhiva Nadzornog odbora



Predsjednik Nadzornog odbora
mr.sc. Hasan Helvida, dipl.ecc.